

全
唐
詩



全唐詩

張祜

張祜字承吉清河人以宮詞得名長慶中令狐楚表薦之
不報辟諸侯府多不合自劾去嘗客淮南愛丹陽曲阿地築室卜
隱集十卷今編詩二卷

遊天台山

崔嵬海西鎮靈跡傳萬古羣峰日來朝累累孫侍祖三
茅即奉石二室猶塊土傍洞窟神仙中巖宅龍虎名從
乾取象位與坤作輔鸞鶴自相羣前人空若瞽巉巉割
秋碧媧女徒巧補視聽出塵埃處高心漸苦纔登招手
石肘底笑天姥仰看華蓋尖赤日雲上奔雷撼深谷

下見山脚雨回首望四明轟若城一堵昏晨邈千態恐
動非自主控鵠大夢中坐覺身詡詡東溟子時月却孕
元化母彭蠡不盈杯浙江微辨縷石梁屹橫架萬仞青
壁豎却瞰赤城顛勢來如刀弩盤松國清道九里天莫
覩穹崇上攢三突兀傍聳五空崖絕凡路癡立麋與麀
邈峻極天門覩深窺地戶金庭路非遠徒步將欲舉身
樂道家流惇儒若一矩行尋白雲叟禮象登峻宇佛窟
繞杉嵐仙壇半榛莽懸崖與飛瀑險噴難足俯海眼三
井通洞門雙闕拄瓊臺下昏側手足前採乳但造不死
鄉前勞何足數

送蜀客

楚客去岷江西南指天末平生不達意萬里船一發行
三峽夜十二峰頂一作上月哀猿別曾林忽忽聲斷咽嘉
陵水初漲巖嶺耗積雪不妨高唐雲却藉宋玉說峨眉
遠凝黛脚底谷洞穴錦城晝氤氲錦水春活活成都滯
游地酒客須醉殺莫戀卓家壚相如已屑屑

團扇郎

白團扇今來此去捐願得入郎手團圓郎眼前

西江行

日下西塞山南來洞庭客晴空一鳥渡萬里秋江碧惆
悵異鄉人偶言空脉脉

涓川寺路

日沉西澗陰遠驅愁突兀煙苔濕凝地露竹光滴月時
見一僧來脚邊雲勃勃

夜雨

靄靄雲四黑秋林響空堂始從寒瓦中浙瀝斷
一作滴入愁人
腸愁腸方九迴寂寂夜未央

秋晚途中作

落日馳車道秋郊思不勝水雲遙斷緒山日半銜稜遠
吠鄰村處計想羨他能

拔蒲歌

拔蒲來領郎鏡湖邊郎心在何處莫趁新蓮去拔得無
心蒲問郎看好無

車遥遥

東方曨曨車軋軋地色不分新去轍閨門半掩窗

一作半牀

空斑斑枕花殘泪紅君心若車千萬轉妾身如轍遺漸

遠碧川迢迢

一作樓迢一作樓樓

山宛宛馬蹄在耳輪在眼桑間女

兒情不淺莫道野蠶能作繭

捉搦歌

門上關牆上棘窗中女子聲唧唧洛陽大道徒自直女
子心在婆舍側嗚嗚籠鳥觸四隅養男男娶婦養女女
嫁夫阿婆六十翁七十不知女子長日泣從他嫁去無
悵悵

鴈門太守行

城頭月沒霜如水。趑趄踏沙人似鬼。燈前拭淚試香裘。
長引一聲殘漏子。駝囊瀉酒酒一杯。前頭滴血心不回。
閨中年少妻莫哀。魚金虎竹天上來。鴈門山邊骨成灰。
思歸引

重重作閨清旦。鑷兩耳深聲長不徹。深宮坐愁百年身。
一片玉中生憤血。焦桐彈罷絲自絕。漠漠暗魂愁夜月。
故鄉不歸誰共穴。石上作蒲蒲九節。

司馬相如琴歌

鳳兮鳳兮非無皇。山重水闊不可量。梧桐結陰在朝陽。
濯羽弱水鳴高翔。

雉朝飛操

朝陽隴東泛暖景雙啄雙飛雙顧影朱冠錦襦聊日整
漠漠霧中如衣褰傷心盧女弦七十老翁長獨眠雄飛
在草雌在田衷腸結憤氣呵天聖人在上心不偏翁得
女妻甚可憐

觀徐州李司空獵

曉出郡城東分圍淺草中紅旗開向日白馬驟迎風背
手抽金鏃翻身控角弓萬人齊指處一鴈落寒空

獵

殘獵渭城東蕭蕭西北風雪花膺背上冰片馬蹄中臂
挂捎荆兔腰懸落箭鴻歸來逞餘勇兒子亂彎弓

鸚鵡

栖栖南越鳥色麗思沉淫暮隔碧雲海春依紅樹林雕
籠悲斂翅畫閣豈關心無事能言語人聞怨恨深

再吟鸚鵡

萬里去心違奇毛覺自非美人憐解語凡鳥畏多機未
勝無丹嘴何勞事綠衣雕籠終不戀會向故山歸

酬鄭模

一作撲

司直見寄

故人滄海曲聊復話平生喜是狂奴態羞爲老婢聲官
一作官途終日薄身事一作計長年輕猶賴書千卷長隨一櫂行

送蘇紹之歸嶺南

孤舟

一作身

越客吟萬里曠離襟

一作袷

夜月江流闊春雲嶺路

深珠簾楊氏果翠耀孔家禽無復天南夢相思空樹林

送沈下賢謫尉南康

秋風江上草先是客心摧萬里故人去一行新鴈來山
高雲緒斷浦迥日一作月波頽一作開莫怪南康遠相思不可裁

送盧弘本浙東覲省

東望故山高秋歸值小舫懷中陸績橘江上伍員濤好
去寧雞口加餐及蟹螯知君思無倦一作眼爲我續一作讀離騷

晚次荆溪館呈崔明府

艤舟陽羨館飛步繚疎楹山暝水雲碧月涼烟樹清長
橋深漾影遠櫓下搖聲況是無三害弦歌初政成

寄朗州徐員外

江嶺昔飄蓬人間值俊雄關西今孔子城北舊徐公清

夜游何處良辰此不同傷心幾年事一半在湖中

旅次上饒溪

碧溪行幾折凝櫂宿汀沙角斷孤城掩樓深片月斜夜
橋昏水氣秋竹靜霜華更想曾題壁凋零可歎嗟

送徐彥夫南遷

萬里客南遷孤城漲海邊瘴雲秋不斷陰火夜長然月
上行虛市風迴望船舶知君還自潔更爲酌貪泉

送韋整尉長沙

遠遠

一作道

長沙去憐君利

一作屈

一官風帆彭蠡疾雲水洞庭

寬木客提蔬束江鳥接飯丸莫言卑濕地未必乏新歡

送外甥

衰年生姪少唯爾最關心偶作魏舒別聊爲殷浩吟
波舟不定黃葉路難尋自此尊中物誰當更共斟

贈薛鼎臣侍御

一作送劉崇德
尉睦州建德縣

一命前途遠雙曹小邑閑夜潮人到

一作帶

郭春霧鳥啼山

淺瀨橫沙堰高巖峻石斑不堪曾倚櫂猶復夢昇攀

送曾黯游夔州

不遠夔州路層波灩澦連下來千里峽入去一條天
樹色秋帆上灘聲夜枕前何堪正危側百丈半山顛

送李長史歸涪州

涪江江上客歲晚却還鄉暮過高唐雨秋經巫峽霜
急灘船失次疊嶂樹無行好爲題新什知君思不常

贈契衡上人

小門開板閣終日是逢迎
語笑人同坐修持意別行
水花秋始發風竹夏長清
一作不恨恓惶久憐師記姓名

走筆贈許玖赴桂州命

桂林真重德蓮幕藉殊才
直氣自消瘴遠心無暫灰
劒稜叢石險箭激亂流迴
莫說鴈不到長江魚盡來

題上饒亭

溪亭拂一琴促軫坐披衿
夜月水南寺秋風城外砧
早霜紅葉靜新雨碧潭深
唯是壺中物憂來且自斟

題僧壁

出門無一事忽忽到天涯
客地多逢酒僧房却厭花
碁

因王粲覆鼓是禰衡搥自喜疎成品生前不怨嗟

寄盧載

故人盧氏子十

一作數

載曠佳期少見雙魚信多聞八米詩

侏儒他甚飽欸段爾應羸忽謂今劉二相逢不熟槌

送楊秀才游蜀

鄂渚逢遊客瞿塘上去船峽深明月夜江靜碧雲天舊

俗巴渝舞新聲

一作離情

蜀國弦不堪揮慘恨一涕自潛然

送楊秀才往夔州

鄂渚逢遊客瞿塘上去船

此二句與送楊秀才游蜀詩同

江連萬里海峽入

一條天鳥影沉沙日猿聲隔樹煙新詩逢北使爲草幾

巴牋

途中逢李道實遊蔡州

征馬漢江頭逢君上蔡游野橋經亥市山路過申州僻
地人行澀荒林虎跡稠殷勤話新守生物賴諸侯

富陽道中送王正夫

枅

音析

枅上荒原霜林赤葉翻孤帆天外出遠戍日中昏

摘橘防深刺攀蘿畏斷根何堪衰草色一酌送王孫

送韋正字枅貫赴制舉

一作科

可愛漢文年鴻恩蕩海孺木雞方備德金馬正求賢大
戰希游刃長途在著鞭竚看晁董策便向史中傳

贈貞固上人

南國披僧籍高標一道林律儀精艷布真行正吞針掇

火身潜起焚香口旋吟非論坐中社余亦舊知音

題贈志凝上人

悟色身無染觀空事不生道心長日笑覺路幾年行片
月山林一作房靜孤雲海櫂輕願爲塵外契一就智珠明

送瓊貞發述懷

送出南溪日離情不忍看漸遙猶顧首帆去意難判最
恨臨行夜相期幾百般但能存歲節終久得同歡

寄靈澈上人

老僧何處寺秋夢繞江濱獨樹月中鶴孤舟雲外人榮
華長指幻衰病久一作病久不觀身應笑無成者滄洲垂一輪

綸一作

溪行寄京師故人道侶

一本無京師
故人四字

白日長多事清溪偶獨尋雲歸秋水闊月出夜山深坐
想天涯去行悲澤

一作海

畔吟東郊

一作京華

故人在應笑未抽簪

一作誰復
念浮沉

贈僧雲栖

塵尾與筇枝幾年離石壇梵餘林雪厚基罷岳鐘殘開
卷喜先悟漱鉶知早寒衡陽寺前鴈今日到長安

送魏尚書赴鎮州行營

河塞日駸駸恩讐報盡深伍員忠是節陸績孝爲心坐
激書生憤行歌壯士吟慙非燕地客不得受黃金

寄遷客